

愚

齋

存

稿

愚齋存稿卷第四十九目錄

電報二十六

寄江鄂督帥山東撫帥

寄濟南袁中丞

張香帥來電

袁中丞來電

張香帥來電

劉峴帥來電

寄張香帥

張香帥來電

愚齋存彙

卷四十九目錄

愚齋存彙

又

袁慰帥來電

寄江鄂督帥山東撫帥

又

劉峴帥來電

袁慰帥來電

寄北京李中堂

寄西安岑中丞

李中堂來電

寄江鄂督帥山東撫帥

又

寄北京慶邸李相江劉帥鄂張帥東袁帥

又

李中堂來電

寄劉峴帥張香帥

張香帥來電

又

又

劉峴帥來電

袁慰帥來電

寄西安榮中堂王中堂鹿尙書

張香帥來電

劉峴帥來電

又

袁慰帥來電

又

劉峴帥來電

寄華盛頓伍秩庸星使

袁慰帥來電

寄俄京楊子通星使

寄慶邸李相

又

張香帥來電

又

寄江鄂督帥山東撫帥

寄李中堂

寄劉峴帥

寄江鄂督帥山東撫帥

寄慶親王李中堂

劉峴帥來電

又

又

袁慰帥來電

又

寄江鄂督帥山東撫帥

寄北京慶邸李相江鄂督帥山東撫帥

袁慰帥來電

江督劉峴帥來電

寄北京慶邸李相江鄂督帥山東撫帥

慶親王來電

張香帥來電

又

寄江鄂督帥山東撫帥

行在軍機處鹿尙書來電

袁慰帥來電

寄浙撫惲中丞

寄北京慶親王李中堂俄京楊大臣

劉峴帥來電

又

寄北京慶邸李相江鄂督帥山東撫帥



寄鹿滋軒尙書

袁中丞來電

浙撫惲菴帥來電

張香帥來電

又

又

寄汴撫于次帥

寄李中堂

寄江鄂督帥浙江撫帥

李中堂來電

寄李中堂

劉峴帥來電

又

愚齋存稿卷第四十九

電報二十六

寄江鄂督帥山東撫帥

光緒二十六年十一月十六日

樞電邸相元電已代奏面奉 諭旨懲辦禍首前擬各

節 朝廷已萬分遷就委曲求全必須確有把握毫無

異議方可先行明降 諭旨照辦今來電僅云會晤時

據以宣示又云未知能否饜其欲皆屬未定之辭倘仍

不滿所欲又將何以處之殊欠妥協等諭應請再行細

酌或密探或婉商必與彼族議定始能照辦或將分別

輕重懲辦各節作爲全權大臣所擬向其切實商定電

愚齋存藁

卷四十九

到卽可請 旨允行以免後患特此電達並望妥籌電復祿韶霖咸云除轉京外乞祕

寄濟南袁中丞 十一月十六日

會辦商務艱鉅益悚若假事權寬時日政府不掣肘督撫不隔膜自當勉爲其難徐圖進步目前總須先將第六第十一款辦妥方有下手處公其教我

張香帥來電 十一月十六日

旣建商節又免北行賀賀

袁中丞來電 十一月十六日兼致峴帥香帥

甯滬各電悉甯寒電中國云云新政綱領已括盡

無遺如士農工商兵有實學內外官吏將校多眞才富強易如反掌否則無從措置近因多病心緒忙亂而新政千頭萬緒不暇詳擬大要必由用人入手現在由破格中求通才將來由學業中求真才取士之途必須改學校之法必須加繁密之文必須刪欺私之見必須除冗散之職無益之費必須認真裁汰至振興商務精簡武備提倡工藝啟民智厚生計均須切實舉行不可有始無終有名無實庶幾可望自立卽如商務一宗迭議講求毫無實效病由官尊商卑以商爲魚肉以商爲奴隸

照此興商何啻緣木求魚愚見整飭商務必須官商一體掃除官習提倡保護官力任之始可日有起色杏兄昨承新命附貢一得未知有當尊意否承峴帥命題潦草繳卷悉在三公範圍之中涓流入海尙祈涵納指政

張香帥來電 十一月十六日兼致峴帥灼帥慰帥

皖鹽電悉第十一款已有簡易二字欲不免釐而必免不必求加稅而自加矣洋貨出境入境一節不知彼允否只包辦法未能甚解竊思補救免釐之法惟有行印花稅產地捐次之惟產地捐與洋

貨無涉且產地加捐商本過鉅恐難任重請諸公  
豫籌見示

劉峴帥來電 十一月十七日兼致香帥慰帥

加稅必索免釐若只免洋貨恐有土貨冒充之弊  
惟有妥定章程設法補救倘欲土貨併免必須力  
爭方免得不償失慰帥所論新政語語扼要佩甚  
千端萬緒是在得人分理尤賴政府主持乃能一  
氣貫注益令人想望於快論也

寄張香帥 十一月十七日

會辦商務倘免北行固可藏拙惟須第六款第十一款

能保主權方有下手處將來仍求切實訓誨庶可得尺  
得寸徐圖補救

張香帥來電 十一月十七日兼致峴帥

鹿尙書十五日來電此次議約十二條大綱不得不  
允細目甚費磋磨昨已電飭與劉張電商妥議  
惟遠道電商終多隔閡上意若能設法商明各  
國移至滬議則公與新甯均可親往盛亦參贊其  
間不識能否達到茲特遵 旨密電奉商美日既  
勸止哀美書尙敦睦誼或仍聯絡該兩國向各國  
說項約至滬議以期周妥此次保護東南商務諸



君大有造於各洋與之商辯更爲有詞且通商改約及償費須籌的款均非在滬妥議不爲功望卽細籌辦法如何向各使各外部電商之處是否可行一面妥酌先行迅賜電復等語特奉達查大綱十二條必須數日內照復斷不能待至經月不過此次照復內必須將必應引申補救諸條於每條下各附數語以爲議詳約之根卽使肯移滬所議乃詳約及我所引申補救之事耳若劉張兩人均到滬詳約并籌款甚需時日近日敝處屢接口黨徑與鄙人書悖悍已極匪謀洶洶長江乘虛萬萬

不妥且江鄂兩省要公必多曠誤窒礙擬與各國  
商或移至金陵詳議細約距滬極近距鄂亦不甚  
遠峴帥可坐鎮不勞鄙人到甯後會議數次大概  
略有眉目即可先回鄂隨時函電尙不爲遲俟將  
定約時再赴甯一行於鄂事或不致有礙其實諸  
事皆請李相峴帥主持杏翁籌畫鄙人於改約籌  
款均屬淺陋粗疏到亦無益鄙意所重者止一兩  
事耳觀近日倣處電可見鄙意此舉必宜商英美  
日僅能贊成耳應如何與各外部公使電商之處  
請兩公籌酌至措詞似可卽以函電周折遲緩事

理難盡恐誤機宜爲詞均望速示切盼

又十一月十七日兼致峴帥慰帥

第二款日後二字斷不能刪磋商無益榮相或有  
自危之意欲安榮相惟有勸其奏請 懿旨痛  
斥頑固速行新政當可解矣能加罪已語尤善再  
能加入化畛域語更善但此層不易說耳新政不  
能猝辦只能先舉大綱峴帥慰帥能以此意婉達  
榮相否請酌

袁慰帥來電 十一月十七日

懲禍首難到底耶相亦從容到底允准大綱已十

日迄未曾晤開議不知何故或因西人新歲耶杏  
兄能否催邸相速會晤將盡頭辦法斬釘截鐵商  
明入告以免耽延全約請酌

寄江鄂督帥山東撫帥

十一月十八日

篠寄邸相電 旨奉 旨奕劻李鴻章鹽電悉董福祥  
受恩深重即使加以重處該提督當亦無詞惟素爲陝  
甘兩省漢回所傾服設辦理稍涉操切深恐激而生變  
後患無窮所難在此實非有人庇護應仍遵前 旨不  
憚煩言開誠布告以後仍隨時相機辦理此時萬難遽  
定各國既重修前好當亦願中國之平安無事也至各

國使館留兵合之不過數百名是台業經商定確有把握至津沽沿途之兵分紮幾處共計若干各使有無回信應卽查明電奏又遵奉內廷諭旨一語據奏各使但藉空文泄忿當面並未挑過等語旣登諸筆牘較面挑爲尤要前已降旨引咎自責並有實非朝廷本意之諭自以刪去爲妥如各使果只空文泄忿該親王等確知此語必無後患原不必求之字句閒也欽此除轉京外乞祕

又十一月十八日

樞電邸相篠電信鹽電已進呈懲辦一節惟董爲難業

經將委曲情形疊次電告如重辦果無窒礙事關大局  
卽親王大臣尙不能曲爲庇護況一武夫豈有庇護縱  
奸之理雖至愚亦萬不出此前來電請斥逐遠離今已  
議處飭令回甘已屬大費周章若遽予嚴處並聲明日  
後辦法 朝廷大屬爲難緣董素得陝甘漢回人心舊  
部繁多該提督固無異志而悍卒愚民實多可慮設操  
之過急激而生變不惟目前患在肘腋卽以後西邊擾  
亂陝甘教堂頗多必致殃及大局益不可收拾惟有此  
後隨時相機辦理做到何處是何處實難預定如何重  
懲各國旣經議和亦不欲中國再生事端彼此皆有損

也現值萬分艱危之時均爲補救大局起見務祈大力設法轉圜將爲難情形婉告各使徐作後圖爲要祿韶霖云除轉京外特聞

劉峴帥來電 十一月十八日兼致香帥

此次議款各國何肯就我移滬移甯均做不到生此波瀾徒費筆舌延時日更慮別滋枝節一若

朝廷不能見信於全權更棘手矣近日各國領事來甯及漢口各領謁香帥似尙受商然彼此均是從旁參贊彼爲修好而來樂得爲我轉電聽否自有主持者若令我兩人處慶李地必有大爲難處

各國未必果厚於我兩人也甯垣時有謠言消息正緊斷不可同時離省香帥電復定興各語簡括精當極佩仍電催邸相速商速定總以大綱內留細目補救地步爲要請杏翁轉電示

袁慰帥來電

十一月十八日兼致峴帥香帥

有人論海城輩亦明知人強我弱墨守不行然牢執頑固滿口斥新宗社不顧身家不顧九死亦不渝蓋由作偽沽名年將就木不肯遽作兩截人云云由此類推貴人多有此病愚見議新政此時尙早似須款局有成先由籌償申進新議可望



小有轉機至大轉機當在 回鑾後邸相推挽觸  
目驚心大可省悟目下議新恐徒費心力三公於  
意云何

寄北京李中堂

十一月十八日

已力勸南皮勿輕電奏而劾董不厭多開議大綱宜留  
細目地步撤兵須先定賠數否昨奉 命會辦商務此  
後進行吾師必有成竹幸有稟承

寄西安岑中丞

十一月十八日

開春 回鑾潼關至孟津須設電線以探木爲急務除  
電直豫大府飭沿途州縣趕辦外陝屬乞速行飭購餘

由孫道面稟

李中堂來電 十一月十九日

奏調來京議加稅不日必奉 旨宜速來玉山抵

何處恐不得速

寄江鄂督帥山東撫帥 十一月二十日

頃邸相徑奏元 旨敬悉前奉魚 旨十二條大綱應  
卽照允當卽備文知照各使各國宗旨皆以此次肇禍  
甚鉅所交各款係屬公同簽定在彼方謂極爲持平無  
可商改稍一置詞卽將決裂迭經江電陽電陳明在案  
近與各使先後晤談均以第二次會晤必須遵 旨畫

押方足見 朝廷真心修好以後始可就款引申臣等  
已按照榮祿等來電並參酌各說預備說帖於詳細聲  
明之中隱寓設法補救之意擬於畫押後從容計議下  
次會晤再得暢論儻 旨已照允臣等不能盡押彼必  
謂 朝廷無信全權無權不但不能商催撤兵並不能  
止其進兵關係利害太大日來德瓦帥方厚集糧械左  
顧右盼分兵四出若再有耽延必卽別出詭謀臣等何  
敢當此重咎並據美日使來稱畫押後 朝廷允辦各  
節如第一二三四款及第十款必須立見施行以昭大  
信至應行聲明各節儘可於畫押後詳細磋磨卽如償

卹款改約章兩條均節目煩多決非朝夕所能就緒至第三款日後二字臣等初示省酌惟彼意將來辦理交涉必不可少此語卽如毓賢董福祥皆閩八月初二日旨內所無聞以後並無似此大員在內來日方長斷不能劃清界限卽如歸化城六月間有殺害英國畫圖師一案近始訪信正在查辦此類甚多實難預爲禁絕聞各使現已趕繕條款預備互換爲期甚迫儻彼日內定期會晤臣等只有遵 旨辦理劉張等相距太遠情形未能周知若隨時電商恐誤事機云乞祕

又十一月二十日

邸相徑奏頃准領袖日國使臣照稱貴王大臣恭錄

諭旨十二條大綱應卽照允等語當經諸位同欽差屬託照復曰下各國全權大臣以照允之語爲據今附送專條俾貴王大臣署名畫押並請貴王大臣恭錄照允諭旨蓋用御寶分送各使署以昭信實俟各國大臣接收蓋用御寶之諭旨以及貴王大臣署名畫押專條之時援照貴王大臣所請之意當卽早定日時會晤應請貴王大臣於會晤之先將欲商各事預爲照知迨各國大臣議妥以便當面答復而免遲延等因臣等查西人多疑性急已聞湖北傳來停止畫押之信更爲

疑急擬將初六日諭旨十二條大綱應卽照允字樣  
蓋用 皇帝之寶分送各使署一道以堅其信一面將  
條款署名畫押仍將前備說帖於所商各款專文照知  
詳細妥議似於大局無妨云乞祕

寄北京慶邸李相江劉帥鄂張帥東袁帥

十一月二十日

行在軍機處寄電開奉 旨奕劻李鴻章諫洽兩電

均悉條款大綱業已允准自未便延不畫押惟其中詳  
細節目甚多有必須就款引申者關係尤重不可不逐  
條切實磋磨以杜後患所有迭次諭旨所指各節及  
本日另 旨並內外臣工條陳各說該親王等務當詳

加參酌力圖補救毋得以大綱業已畫押稍涉大意畫押以後卽與各使先商訂撤兵日期尤爲緊要欽此宣謹轉

又十一月二十日

行在軍機處寄二電開奉 旨奕劻李鴻章條款大綱畫押已有 旨允准矣來電稱各使有就款引申之語該親王等亦擬於畫押後從容計議以期補救應將迭次 諭電及各說參酌辯論引申所最關緊要者如遵奉內廷 諭旨一語必須設法說明期於必無後患奉令官兵語句亦須辯明爲妥至日後二字雖難禁絕

但必須另有實在案據如所奏歸化城一事者方可照辦不得任意牽混貽患無窮使館駐兵名數及京津沿路駐兵數目處所尤須議定限制仍將逐條妥議情形隨時電奏欽此宣謹轉

李中堂來電

十一月二十日

南皮電奏與此閒情勢多隔膜不能不駁董擬先行革職聽候查辦各使尙不允而樞意堅持奈何畫押後開議條目煩多不易結束各國有春融撤兵之說其賠數必不能定弟能速來否

寄劉峴帥張香帥

十一月二十一日



簡 旨想已奉到通商行船修改條約南北洋各口均  
在一約之中辦法必難兩歧惟此係善後事宜非同議  
和總約事機難緩屆時自可遵 旨會同邸相與各國  
悉心籌議以資補救聞各國已令議院商會各抒所見  
必擇其有益各國者挾求更改如彼此有益或益於彼  
無損於我皆可允改如一事益彼而損我則我亦應求  
一益我之事相抵但恐勢力旣懸殊識見亦不及除兩  
帥及敝處通飭所屬各具說帖外擬請 旨飭下內外  
大小臣工凡關係通商各項事宜迅抒所見用備參酌  
如鈞意謂然乞主稿摺名奏復並將 旨奏一起轉京

候示

張香帥來電 十一月二十一日兼致峴帥慰帥

賠款求減彼必不理賠款核實彼必不能駁但不  
知借洋款乎否乎此條杏翁已知梗概否如不借  
有何策國債究有妥法能辦否請杏翁速示但恐  
全權已告外人付現銀耳禁器料必不可商改他  
事皆不足論鄙人所最慮者 朝廷危險耳不籌  
善策挾制無窮請緩 回鑾告以俟盧漢鐵路成  
後再回京此是抵制之策彼催回京則必減兵不  
減兵則不能催回京行都濱江之說英提督西摩

面言之領事無論也前日據英參贊希利爾而言  
回鑾不在條款之內可由我自主等語俄如不  
願必代我商各國減兵君國利害所繫爲臣子者  
豈忍知而不言聞北京及行在諸貴人皆願回  
京了事合肥又復堅持成見大勢已定豈一人之  
力所能挽鄙人言已盡矣但願言之不驗耳或有  
謂鄙人爲書生習氣誠然但書生習氣似較勝於  
官場敷衍耳鄙人函致英德領事託轉電兩使與  
電奏及轉全權諸公之電一字不改前數日兩領  
事來見照錄兩使復電詞甚和平皆言大綱速允

以後鄙人所擬各條極願詳加酌議等語毫無愠意德使並有道謝之語不謂外國人易說話而中國人反難說話也合肥諫電不與劉張相商一語感甚謂之何哉

又十一月二十一日

杏翁緝電云果如今年保護東南之局何事不可成二語古今中外萬事萬理俱盡於此真懸諸日月而不刊者也佩服佩誦五體投地

又十一月二十一日

商約船章斷不能不許各國修改十二條內此條

獨有中國認與商改字樣已算和平況已畫押焉  
能免改至補救大意敝處語午電已向英德言之  
其事甚細密至速須議三箇月須咨翁籌之此事  
非鄙人所長

劉峴帥來電

十一月二十二日兼致香帥慰帥

通商行船諸事既在所允十二條內自難免改敝  
處前與英德函內亦已諄切致意所謂補救者亦  
惟於商議時盡力磋磨咨兄所云益彼一事則當  
益我一事此本有一件換一件改約之常法特恐  
此次亦難辦到至通商利弊久於其事者尙難盡

悉底蘊既須有真知灼見又須視其事尙可商方  
足以備採擇否則徒出難題於事何益鄙意飭屬  
一層亦祇能令各關及杏兄所屬就現辦情形何  
者宜如何變通可以有利害條具說帖彙寄邸  
相請 旨一節似可不必未識當否乞酌示

袁慰帥來電

十一月二十二日兼致峴帥香帥

鄂各電悉香帥滿腔忠憤苦心籌劃足令人五體  
投地清議空談出來已久然時艱孔殷達人寥寥  
無論其習氣如何而當籌者仍須籌當辯者仍須  
辯補救一分自有一分益公忠如香帥當不以此

介懷也

寄西安榮中堂王中堂鹿尙書

十一月二十二日

頃電邸相如下各款既備說帖賠償似宜引申若祇云  
量力彼謂用西人西法力必有餘恐其侵我財政一請  
核實泰晤氏報主面稱日本兵餉算至西三月止用洋  
二千七百萬元地雖近人最多各國有度支冊只要彼  
允核實較勝空言請減一請免利如兵費定限分還其  
國家免借銀行利債卽略計息亦免扣頭一請分賠各  
會各人賠補除戰地外各省自行議賠使地方後來知  
懼財產亦有對證一請稅釐擔保第六第十二已含除

釐加稅洋商多主此議若指鹽課地丁等皆勿輕允必使彼自允加稅可抵二千萬別項理財所得留以自強請察看如果此時不列者後難補議可否摘要列入說帖云

張香帥來電 十一月二十三日

商約船章關係久遠並不迫急必當求取益防損之事以相抵果有情理無奢望斷不能全駁十得四五亦好集思廣益似不可少鄙意擬請 旨電飭各省督撫各抒所見以備參酌限若干日復奏至飭屬具說帖只令各關及杏翁所屬擬議較爲



有益本省局外屬員有見解條陳儘可酌采但不  
必通飭耳如兩公以爲然請杏翁擬電奏稿峴帥  
酌核鄙人當附名

劉峴帥來電

十一月二十三日

箇 諭與某公致鄂電頗合其不滿意於保護可  
知故出難題何裨大局此乃消息請告知儀相

又

十一月二十三日

鄂濟各電悉數月來苦心孤詣以冀補救於萬一  
所謂知疾不可爲無不下藥理全權謂然與否固  
不敢計也公忠如香帥並世能有幾人時局艱危

至此 兩宮憂勞至此何忍以細故介懷惟有  
知無不言言無不盡臣子義固應爾矧香帥廓然  
大度乎

袁慰帥來電

十一月二十三日兼致峴帥香帥

前數日曾致書 行在謂和議將成賠款甚鉅此  
後愈貧愈弱勢難自立如蹈常習故直無辦法宜  
請 旨飭內外臣工各陳富強之策以備採施各  
語惟承乏疆寄未便暢言擬請杏兄酌電樞相謂  
和未定弱可憂和既定貧可憂運籌在樞臣奉  
行在疆臣樞疆合謀如何補救應請 旨飭下諸

疆臣各陳所見毋拘成見毋存顧忌毋涉空談云  
云倘奉此 詔便可進言仍請三公酌裁

又十一月二十三日兼致峴帥香帥

通商行船諸事各國約章大致相仿已成通例似  
不能在通例外彼此另出難題所慮者內地各處  
均允其隨便通商游歷而鐵路礦務亦允其隨便  
開辦至通商利弊赫德知之最詳如請邸相推誠  
詢商或請 旨獎勵數語令其隨辦通商細目似  
較在外懸擬者獲益甚多請酌裁

劉峴帥來電 十一月二十三日

訂約通商是通國事載入大綱是要索款斷非東  
南督撫所能商免只能候彼來商相機因應救一  
分是一分若先自出難題徒亂人意彼仍不理赫  
德於此事甚明曉第中國商務英人爲重赫議通  
商行船每多左袒如所議小輪行內港之類暗中  
受虧不小鄙見全權不能不用赫而不可專信赫  
傅相年高事多能得一二熟諳約章稅則者贊襄  
其閒隨時籌畫方能有濟非杏翁莫能勝任昨日

電 旨先請杏翁轉京祈速酌示

寄華盛頓伍秩庸星使 十一月二十三日

粵路原奏不歸英法爲保粵計宣奉派商務大臣正思  
與美辦事美售粵股望速力止

袁慰帥來電

十一月二十四日兼致峴帥香帥

簡 旨尙未見或係派杏兄會辦商約耶嘗論辦  
交涉者以不喫虧爲好手杏兄與洋人往來向不  
喫虧如派會辦堪慶得人請力任之赫德左袒誠  
難專信然熟悉中外商務情形無出其右但未必  
全爲我用耳議改商約船章條款想不甚多大要  
不外損我國權損我利權損我民生計若能相  
機因應分別保全設法抵制當可得失參半倘預

籌多款欲損彼而益我恐強弱懸殊商辦甚難且各省中頑固尙多必有許多離奇文字或曰使臣駐港或曰不准傳教或曰禁售洋貨或曰停止路礦甚或曰閉關謝客畫界自守無非徒亂人意仍請三公共籌補救必勝各省百倍凱於此尤甚隔膜應先告不敏冒昧貢愚尙祈採擇

寄俄京楊子通星使

十一月二十四日

邸相蒸電奏楊儒迭奏俄主願將東三省交回經外部面允在案嗣吳王及格使均以事關重大三省將軍號令不一賢愚不等商辦恐難畫一須另設法今吳王已

回國格使接政府電商議在彼得堡舉行較便宜照請  
奏懇 大皇帝於出使大臣楊授以最寬之全權俾不  
曠時日與俄政府籌商議定一切等因臣等查從前交  
收伊犁曾派曾紀澤爲全權大臣往俄商辦今東三省  
關係更重事由俄外兵二部主持自宜在俄商訂爲妥  
楊洞悉時勢與其各部推誠聯絡情形最熟可否俯如  
所請授以全權大臣重任俾得乘機妥議交收事宜當  
於大局有裨仍請嚴飭東省將軍遇事電商楊勿稍掣  
肘俾臻妥協云宣謹轉

寄慶邸李相

十一月二十四日

奉簡電 旨有人奏通商行船必先將前約或廢或停始能更改具載公法本年戰事止在北方彼時東南各省曾與各國立有互保之約通商行船一切照常此次所議擬改通商行船約章自應責成原議保護東南商務各督撫大臣切實婉商免其修改或如何變通以資補救等語著劉坤一張之洞盛宣懷悉心籌議或電商各國全權大臣及外部據理辯論並電告奕劻李鴻章一體妥議隨時電奏欽此宣謹轉

又十一月二十四日

奉 旨條款大綱既已照允自應次第辦理其第一款



爲德使克林德樹立銘誌之碑如何方與德使品位相  
配著卽斟酌妥商派員先行撰文措詞務須得體撰就  
後繕稿呈覽候 旨定奪第三款日本書記生杉山彬  
除業經降 旨祭卹外應用何典優榮以謝政府亦著  
酌定奏聞至傳教章程務須商訂另立專條以杜後患  
欽此敬宣謹轉

張香帥來電

十一月二十四日兼致峴帥慰帥

慰帥致書當道請樞疆合力補救扼要得法此入  
手一定步驟如杏翁電樞置身題外宜可暢所欲  
言如蒙 諭旨飭各抒所見杏翁自必在列鄙意

此時不必言新政但言須化新舊之見而已昨周玉山方伯過鄂述奎帥言今日補救必須變法囑鄙人與諸公合力上陳奎願列名等語大要首在學校科舉過甯當謁峴帥面陳今日東下眾情如此或有振作之機總之不化新舊之見頑固如故虛憍如故老團未出之說如故和局斷不能保貪昏如故廢弛如故蒙蔽如故口黨斷不能絕官派如故兵派如故秀才派如故書吏派如故窮益加窮弱益加弱餉竭營裁則兵愈少債重徵苛則民愈怨游勇叛民會匪口黨合而爲一中國斷不能

支矣樞紐只在化新舊之見五字請三公酌之是  
否均祈見教

又十一月二十四日兼致峴帥慰帥

赫多左祖誠斷不能撇開亦斷不可專任惟杏  
翁思力足以敵之各國與中國交涉多不按各國  
通例卽如內河行輪任便通商是也此時惟有豫  
備抵制防損之法以待開議時相機因應如能變  
法則可漸望外人以通例待我矣昨箇 旨似應  
由電復奏請峴帥杏翁酌擬電稿見示

寄江鄂督帥山東撫帥 十一月二十四日

傅相來電深以抗爭爲萬不得已因 旨已照允若不  
畫押立見決裂老成過慮未可厚非至大綱已定所仗  
細目磋磨地望卑下如宜尙有獻替矧香帥負中外重  
望何可不直言鄙見旋乾轉坤不僅在款議而在自謀  
能自謀始能保款議旣蒙香帥緝電嘉許仍望大家屏  
除積習發揚正氣大事難事一氣擔當面折廷爭皆所  
不恤不措天下於強盛誓死不休只要有今年六七八  
九月堅定之氣矢以數年如不改觀惟宣是問

寄李申堂

十一月二十四日

上因內廷

諭旨奉令官兵語句極慮後患由此著

筆請辦董方釋後患奉令等句不辯自明如堅持何能  
辯宜早奏機勿失頃已電政府先透此意

寄劉峴帥

十一月二十四日

漾電頃已告儀相公爲砥柱萬變不搖將來難事正多  
也

寄江鄂督帥山東撫帥

十一月二十四日

鈞電佩甚遵擬電奏如下箇 旨謹悉通商行船修改  
條約已列和約第十二款奉 旨照允卽日畫押若由  
坤一等另商各國使臣外部免其修改彼必謂 朝廷  
已允之事他人不應另起波瀾於大局有損無益惟此

係善後事宜非同議和總約事機難緩屆時自可遵

旨會同慶親王李鴻章與各國悉心籌議補救一分是一分聞各國已令議院商會各抒所見勢將擇其利彼損我者合力挾求更改若照各國通商自有常法修改亦必期彼此有益中國則舊約本已喫虧戰敗之後愈改愈壞理所必然倘能於和約大定之後卽行宣示整頓內政切實辦法使各國咸知我有發憤自強之望則籌議條約自不致毫無把握除飭各關道各商局將關係通商各項事宜各具說帖以備咨送慶親王等參酌外乞代奏坤一之洞宣懷謹肅請三帥酌改或另擬爲

禱

寄慶親王李中堂 十一月二十四日

箇電 旨飭議通商約章免其修改已會江鄂奏復一  
約斷難兩歧頃赫來函賠款約五六千萬鎊可先聽各  
使出主意甚是

劉峴帥來電 十一月二十五日兼致香帥慰帥

敬電擬議賠款各節字字精要令人五體投地惟  
各省自行議賠若由民賠恐有流弊款多力更難  
勝如饒州教堂傳聞索賠甚鉅之類杏翁當有良  
策

又十一月二十五日兼致香帥慰帥

鄂敬申滬敬電均是名論能知因時制宜自化新舊之見請三公速擬可行之件當務之急以備和定陳奏

又十一月二十五日並致香帥慰帥

鄂敬午濟敬電悉所論透澈精當極佩免改萬辦不到惟有待彼來商相機因應磋磨東南保護是爲疆土計非爲外人計是遵 旨不是違 旨此義須略揭破以杜羣言茲擬會銜電奏稿奉商祈斧政電復文曰奉箇電 旨通商行船著劉坤一



張之洞盛宣懷悉心籌議等因欽此伏查本年軍事起後海內震動各省情形岌岌屢奉諭旨飭令相機審勢保守疆土並保護洋商乃與駐滬各國領事商訂如彼不來侵犯我仍照約保護奏奉電旨朝廷原不欲輕開邊衅屢降諭旨總以保護各口岸商民爲盡其在我之責與該督等意見正復相同等因欽遵在案保護商教原爲宣布朝廷德意藉以羈縻外人自保疆土久在聖鑒之中目下議款強弱懸殊彼族方肆意要求斷難從我所欲且修改條約載在大綱甫經允准豈

押東南督撫似未便忽生異議若以奉 旨向商  
各國將疑我反覆各款均不足信轉恐於和局有  
礙原奏謂戰事止在北方東南通商行船一切照  
常體察形勢萬難辦到免其修改一節似亦未便  
與商致生枝節惟有於商約細目時視彼要素何  
款相機因應分別保全設法抵制一面電令各出  
使大臣婉勸外部此項細目務須持平總以勿礙  
我權利勿損我華民生計爲主或可稍有裨益請  
代奏劉張盛云

袁慰帥來電

十一月二十五日並致峴帥香帥

鄂兩敬電悉各項如故痛快萬分五字措詞尤爲  
得體佩極奎亦知變法善必與人同此外當不乏  
人何妨請香帥按五字主稿約諸醒人列銜相機  
上陳凱附名如在未 回鑾前更改氣象則 回  
鑾自免危險外交亦可順手先求其在我較磋磨  
尤可得力八股必須廢然一時全廢則內地各省  
恐無士可取秀才失業考官失職必將合力阻撓  
或先取實學一半八股一半後試遞減八股一成  
而重用實學多設學堂數試按八股自廢庶免考  
官首戎秀才造反尊意云何

愚齋存彙

卷四十九

電報二十六

三

愚齋存彙

又十一月二十五日兼致峴帥香帥

滬三敬電悉賠償各節均極精當自謀一議力扼  
要領復奏中帶出新法張本用筆輕妙佩服想兩  
帥亦必共賞也杏兄何時北上徐進齋恐難速往  
但杏兄離滬樞紐去矣

寄江鄂督帥山東撫帥 十一月二十五日

峴帥奏稿在高處著眼萬分欽服結語勿礙我權利勿  
損我華民生計商約要義已包括無遺請俟鄂復卽由  
甯發

寄北京慶邸李相江鄂督帥山東撫帥 十一月二十五日

旨令辯明內廷奉令語句似是請辦董機括徑電樞  
廷如下傳相電董擬先行革職聽候查辦各使尙不允  
而樞意堅持奈何等語寄 旨須辯明內廷 諭旨及  
奉令官兵語句雖屬空文不辯則自認查自五月至今  
與各國辯論皆以 朝廷不得已苦衷之 諭旨爲准  
圍館戕使皆非 朝廷之意外人頗信故往來國書祇  
欲懲辦禍首內外共持此說原爲力杜後患起見嗣後  
各使持武衛軍幟械爲攻館實據又疑官兵受榮相命  
令所爲經力辯始解今若欲爲董開脫深恐各使積忿  
不平轉疑董亦奉令恐伏後患乞詳籌云

袁慰帥來電

十一月二十六日

甯宥電悉箇 旨未見原委未悉就文而論甯較  
滬切實杏兄所謂高處著眼也如爲閒執讒口則  
新法張本亦可緩進免涉夾雜管見如是仍請酌  
裁

江督劉峴帥來電

十一月二十六日並致香帥慰

滬稿靈活勝拙稿十倍祈三公斟酌如拙稿無可  
採卽一字不用亦可萬勿客氣至禱杏翁若去滬  
消息遲滯遇事奉商不易然義無可留行期定否

寄北京慶邸李相江鄂督帥山東撫帥

十一月二十六日

行在軍機處宥電開徑電已進呈十七致京電 旨  
及函諒均洞悉懲辦董之爲難並非樞意堅持亦非爲  
董開脫實恐激而生變不惟西邊擾亂必致殃及教堂  
又起衅端高明當亦慮及總須徐圖辦法相機爲之祿  
等早夜籌思苦無良策當此辯論引申之時還祈尊處  
熟思審處極力設法並電慶李與各使切實辯明萬分  
爲難情形務釋其疑決不使再有後患總期彼允從緩  
相機籌辦爲要至遵奉內廷 諭旨一語及奉令官兵  
語句不辯則是自認統希轉商全權務須於就款引申  
之中設法融消卽祈電商示復等語宣謹轉

慶親王來電

十一月二十七日

據五城御史呈稱法國以修理京漢鐵路將西便門城垣拆毀一段並將西城內坊衙署佔據勒寫願借字據又勒賣附近民房等因查盧漢直達京城枝路尙未定議法人何以遽行動工希由尊處設法商阻卽電復

張香帥來電

十一月二十七日並致峴帥慰師

甯滬兩奏稿均甚好謹薈萃兩稿擬一奏文

云云見電

奏請峴帥杏翁酌改示復商定後宜由甯發保護東南自應辯折似語不宜過多致著痕跡江鄂似



非外人故酌易之杏翁添入宣示整頓內政極切  
實 中旨欲商酌不大受害非此不可卽或政府  
不聽此語不可不說我自命尊大自處醉夢先不  
以通例待人人如何能以通例待我

又

十一月二十七日並致峴帥慰帥

江鄂迭次奉 旨會商此次又奉 特旨籌議未  
便僅具說帖送慶李參酌恐 上意不以爲然責  
其推諉杏翁自不能不如此說耳此數語如杏翁  
不願或分析言之言劉張如何盛如何祈酌復分  
咨一節或會銜或單銜并示此次應否卽請飭下

各省督撫各抒所見并請裁酌箇 旨請杏翁轉

濟

寄江鄂督帥山東撫帥 十一月二十七日

頃邸相沁電開軍機處宙徑電 旨詢應行宣布各條以辦禍首爲各國著重迭探俄日美三使口氣以所擬莊等罪名似可塞望但以各使未必盡允爲詞董未定罪斷難應允篠電爲難情形實所深悉屢與各使竭力磋磨堅不可轉再四籌商擬先行革職聽候查辦在我似尙易辦彼縱未必洽意而查辦可輕可重似可據以解說此條議定各條始可宣佈候復再電奏慶鴻云宣

轉

行在軍機處鹿尙書來電

十一月二十七日

漾電盡籌甚佩尊擬四條全權說帖能否如法引  
申以維大局甚念切實整頓內政方能自立祈將  
最緊要大端電示數條備商上陳徑電董事已詳  
公電確是實情 朝廷甚爲難榮自顧不暇何敢  
庇董自危實恐急辦必生事總須向各國說明留  
作後圖方安祈高明設法密電全權妥商辦法爲  
要

袁慰帥來電

十一月二十八日

各沁省電悉鄂改稿尤爲周密精當佩甚大綱一字難改辦董勢須從緩恩海供端主使未知永禁能了事否知府曾廉條奏毓賢殺洋人爲遵 旨各省保洋人爲違 旨阻和議阻 回鑾請命將扼守各關漕督移樊城主事洪嘉與面奏亦主此說主事夏震武條奏萬言謂 廟算乖方廷臣錯誤東南各省不一齊動手置君父死地而不顧罪尤大又阻和阻回請以子材爲帥云倡者數人和者數十拳神甫消人妖又出嗟乎已矣辯折各語必不可少倘各省一齊動手亦東三省之緒餘在

我何益在人何損醉夢者奚至於此

寄浙撫惲中丞

十一月二十八日

頃接霍領事照稱昨接來文四件茲將所移供單奉還  
因查閱俱係一面之詞未足憑信以此無關輕重頃奉  
駐京大臣電諭所指之鎮道府營及紳士均應擬以正  
法已向全權議和大臣云及此案本國政府已擬定照  
此辦理查前撫劉及前臬榮嫫視外人此案咎有所歸  
應辦革職永不敘用再擬遣戍所有財產查封入公以  
此項撫卹教士家屬再所有衢郡紳士之功名均應斥  
革飭令撫卹教士家屬及賠償房產物件爲此照會貴

大臣貴部院查照施行等語霍旣盡推駐京大臣只得將此照會並所擬辦法卽電邸相與英使商定

寄北京慶親王李中堂俄京楊大臣 十一月二十九日

奉 旨奕劻等徑宥兩電悉楊儒弼電所稱增祺派委已革道員周冕往旅順與俄擅立奉天交地暫行約章九條畫押等語閱之殊深駭詫此事增祺始終並未奏明周冕係已革道員久已擯棄不用卽係暫且約章該革員亦無議訂之權此次東三省交收事宜關繫甚大楊儒旣膺全權重任著卽責成向俄外部婉切辯明務臻允協增祺擅行委員妄加全權字樣殊屬荒謬著交

部嚴加議處俄與中國訂交最久近年於中國諸事無不極力維持此次許還東三省尤爲深敦睦誼想俄廷亦斷不至以該革員私畫暫且之約遂執爲一成不易之據也李鴻章曾赴俄國立有專約更應統籌全局東三省安危所係甚重著仍遵前 旨隨時電商楊儒參酌妥籌總期吏治兵權均不失我自主爲要格使所言當與力辯以期共濟欽此勘宣謹轉

劉峴帥來電

十一月二十九日並致香帥慰帥

電奏已發稿昨電達董先革職不知辦到否東南遵 旨保護並經奏准有案何謂違 旨此事心

安理得知我罪我祇合聽之夏洪兩主事均蒙  
召見一發廣東一交存記似所言均動聽時局殊  
大可憂非僅新政不能行也

又十一月二十九日

電奏已發似不必追改將來各關呈復再行酌辦  
其不切事理及萬辦不到者可勿上陳也仁和所  
言甚當

寄北京慶邸李相江鄂督帥山東撫帥

十二月初一日

昨復樞廷公電如下有電隨卽轉京內廷 諭旨奉令  
官兵語句全權沁奏保無後患宣以爲後患之有無本



不在紙片而在辦法 朝廷迭次 諭旨歸咎肇禍諸

臣貽憂

宗社懿親如端莊兩邸已所勿恤自足以

折服人心董福祥戕害日員圍攻使館各使尤深恨之  
初以爲董雖構衅而忠勇可嘉近自北方來者皆言董  
擁重兵未與聯軍一戰洋兵過通州董卽出城沿途搶  
掠騾馬盡爲所收京城內外財物旗漢婦女滿載而行  
眾所共見其時 聖駕蒙塵並不遵 旨隨扈然則董  
罪不僅在外衅亦國法所難容 聖明旣允徐圖辦法  
相機爲之是 朝廷並無袒縱之意自古誅豪將全在  
出其不意倘以明示查辦恐激變端似不若僅予革職

不加查辦字樣如政府真不欲開脫仍密電全權允許各國從緩相機籌辦較爲省事乞密籌云

寄鹿滋軒尙書

十二月初一日

宥電謹悉董事如 朝廷實因急辦生事與各國說明留作後圖或可原諒但忠信蠻貊似應有 密旨與全權給看以釋其疑豔電所陳罪狀公宜直奏以明非專徇外人之請於 國體殊有關係整頓內政如能早揭端倪將來開議通商善後各事庶可稍有把握仰蒙下詢容再詳陳

袁中丞來電

十二月初一日

甯豔電悉時局誠大可憂慘殺爲遵 旨保護爲  
違 旨將置 朝廷於何地謬極聞兩主事爲文  
治所保

浙撫惲菴帥來電

十二月初一日

勘電慨悉我等五旬中苦心經營不願開殺鎮道  
之例不願加死罪於無辜英公使竟大反所爲不  
勝憤歎衢紳旣概予駢誅復欲盡革他紳功名出  
資撫卹如此迫脅恐激事端至劉景帥榮方伯嫉  
視洋人未見實據竟擬如此重罪 國體所關誼  
難坐視伏乞勘酌主稿挈名公電邸相設法挽救

並將全案照我等原擬盡力磋磨大局萬幸

張香帥來電

十二月初一日兼致峴帥慰帥

滬轉沁電悉禡董尙不甚難所難者德瓦待覲見  
後方行最不好統帥係戰人公使係和人明係要  
挾回鑾且損國體此題難作

又

十二月初一日兼致峴帥慰帥

濟江豔均悉建言者夏曾洪之外尙有編修馬吉  
樟主事張星源夏詒文治報夔相曾怙非自救各  
有私心不僅謬也有何法可令羣迷稍醒請籌示  
又十二月初一日兼致峴帥慰帥

除弊自強最妙是合肥於開議詳約種種棘手時  
首倡此議各省助之此爲自然機會本題文章卽  
或不盡采納亦可不至觸忤合肥旣動再諷略園  
但恐合肥老而厭事不願刪改舊稿耳卽如 乘  
輿豈能隨便遊幸一語可見此有天意姑存此說  
只可俟賠款不支遼瀋失權各事 朝廷皆已周  
知彼此再看情形

寄汴撫于次帥

十二月初一日

岑雲帥東電出潼關陝界只數里木已備閔鄉靈寶陝  
州澠池新安河南府至孟津河邊爲止照驛路約四百

思齋存稿 卷四十九  
八九十里請飭各州縣購木每里八根沿驛路按五里  
屯木四十根已派委員鄧嘉纘李銘祥金元泰由侯馬  
帶線料至潼關開工木料約何時辦齊乞電示云此項  
電木仰仗鼎力但求料堅價實請司庫墊發仍當設法  
籌還至感至禱

寄李中堂

十二月初一日

定興電董事已詳公電確是實情 朝廷甚爲難榮自  
顧不暇何敢庇董自危實恐急則生變總須向各國說  
明留作後圖方妥祈密電全權妥商辦法云頃電復如  
朝廷眞爲急辦生事似應有密 旨與全權給看以

釋其疑云九月勘奏另立專條如能辦到似可兩面有據能否婉商乞示

寄江鄂督帥浙江撫帥

十二月初一日

霍領事照稱奉駐京大臣電諭所指鎮道府營及紳士均應擬以正法已向全權大臣云及此條本國政府已擬定照此辦理查前撫劉前臬榮煥視外人此案咎有所歸應辦革職永不敘用再擬遣戍所有財產查封入公以此項撫卹教士家屬再所有衢郡紳士功名均應斥革飭令撫卹教士家屬及賠償房產物件等語霍既盡推英使只得電耶相與薩商酌此案發在已經保護

之後及九月杪彼欲帶兵赴浙宣又竭力阻止其時只  
求止兵曾允其秉公辦案及議抵償鎮道府及羅鄭二  
紳皆欲保全霍詢諸教士意遂不欲與宣議傅相前電  
薩使欲辦六人與此照會相符現在和約已定惟英與  
相亦不甚諧可否請兩帥電英美使及外部說明衢案  
係土匪所爲江山失守與直晉不同鎮道府並無指使  
與毓賢廷雍不同現將都司周之德鎮標巡捕徐攀英  
擬立決民犯供認戕殺教士十一名均議抵償鎮道擬發  
極邊永不釋回知府擬軍台卹償從優公議須力言英  
美交情非他人比將來必力加保護仰賴兩帥德望或



可稍從輕減

李中堂來電

十二月初二日

東悉各使正爲此事會議亦知急辦生變但說留  
作後圖聞德意禍首不辦藉詞永不撤兵恐生大  
變尊意有密旨給看以釋其疑或是一法專條  
不願立希酌復

寄李中堂

十二月初二日

冬電已轉樞達斌陝來密告

慈意不肯辦董樞豔

恐催辦留後患則後圖或是搪塞知府曾廉主事夏震  
武近奏毓董殺人爲遵旨慈意動夏以知府存

是夜不寐 卷四十一  
記昨復定與商請 密旨給看亦不易允德意不辦不  
撤兵恐生大變務宜切實痛陳免羣迷誤會和約已定  
又入醉夢奈何

劉峴帥來電

十二月初三日並致香帥慰帥

衢案今日洋務局汪道向孫領切實商論孫謂霍  
於此案查得甚詳其意以爲非此不可經汪與之  
辯論並曉以民情不宜過拂無辜不宜牽連卽有  
應辦之人亦必求其情罪允當否則了事轉致多  
事彼此爲難孫遂謂鮑實罪魁吳令及教士等均  
經匪徒扭送道署因鮑推出不管致被全害吳令

家口二十餘人之多霍處尙有冤單可據是以鮑  
罪不能輕減如能重辦鮑餘尙可商但此係彼意  
再三囑其轉圜始允由電商霍又告以霍近與杏  
翁不晤面彼此旣商辦案件必須接晤方免隔膜  
亦允電商霍與杏兄晤商昨細思案旣歸霍辦解鈴  
繫鈴似與霍磋磨爲妥

又十二月初三日並致香帥慰帥

慰帥前謂建言者爲熱中實爲篤論但得一紙  
詔書申明是非則羣言自息外人且聞之欽服第  
恐不能耳和定款無所出合肥當必籌及杏翁有

何良策若待賠款不支亦已晚矣

愚齋存彙卷第四十九